

গণপ্রজাতন্ত্রী বাংলাদেশ সরকার
স্বাস্থ্য ও পরিবার কল্যাণ মন্ত্রণালয়
স্বাস্থ্য সেবা বিভাগ
অতিরিক্ত সচিব (হাসপাতাল) অনুবিভাগ
www.mohfw.gov.bd

নং ৪৫.০০.০০০০.১১২.০০.০০১.১৯/৪৭

তারিখঃ ১৯ মাঘ ১৪২৬ বাংলা
০২ ফেব্রুয়ারি ২০২০ খ্রিঃ

বিষয়: “করোনাভাইরাস প্রতিরোধ” বিষয়ক ২য় সভার কার্যবিবরণী।

সভার সভাপতি: জাহিদ মালেক, এমপি
মন্ত্রী
স্বাস্থ্য ও পরিবার কল্যাণ মন্ত্রণালয়
সহ-সভাপতি: মাননীয় প্রতিমন্ত্রী
দুর্যোগ ব্যবস্থাপনা ও ত্রাণ মন্ত্রণালয়
সভার স্থান: সিভিল এভিয়েশন কর্তৃপক্ষের সভাকক্ষ
সভার তারিখ: ০১.০২.২০২০ খ্রিঃ
সভার সময়: বিকাল ৫.০০টা

সভায় উপস্থিত সম্মানিত কর্মকর্তাদের নামের তালিকা পরিশিষ্ট ‘ক’ তে সন্নিবেশ করা হলো।

সভাপতি জরুরিভাবে আহ্বানকৃত সভায় উপস্থিত সকলকে স্বাগত জানিয়ে সভার কাজ শুরু করেন। তিনি সভায় জানান যে, গত দুদিন ধরে প্রত্যাশিত বাংলাদেশ বিমানের Chartered ফ্লাইটে অদ্য দুপুরে চীন থেকে আগত সকল যাত্রীকে ৩১.০১.২০২০ তারিখের সিদ্ধান্ত অনুযায়ী বিমান থেকে নামিয়ে মূলত হজ ক্যাম্পে রাখা হয়েছে। ৩১২ জন যাত্রীর মধ্যে Immigration করে লাগেজসহ ৩০২ জন যাত্রীকে হজক্যাম্পে, ৭ জনকে কুর্মিটোলা জেনারেল হাসপাতালে এবং ৩ জনকে ঢাকা CMH-এ রাখা হয়েছে। যাত্রীদের আবাসন সুবিধার পাশাপাশি আহ্বারের সকল ব্যবস্থাসহ অনুসংগিক সুবিধা প্রদান করা হয়েছে। তথাপি যাত্রীগণের মধ্যে অসন্তোষ থাকতে পারে। স্বাস্থ্য বিভাগ, দুর্যোগ ব্যবস্থাপনা ও ত্রাণ কর্তৃপক্ষ, আশকোনা হজ অফিস কর্তৃপক্ষ এবং সামরিক চিকিৎসা সেবা অধিদপ্তরের এর মধ্যে কিছু বিষয়ে সমন্বয়ে সমস্যা আছে যা আলোচনায় উঠে আসে। বিস্তারিত আলোচনায় প্রস্তাবমত অধিকতর সমন্বয় সাধনের জন্য সভাপতি সংশ্লিষ্ট সকলকে নির্দেশ প্রদান করেন।


চীন থেকে আগত যাত্রীদের জন্য গৃহীত চিকিৎসা এবং ‘করোনাভাইরাস’ সম্পর্কে প্রতিরোধ ও নিয়ন্ত্রণ বিষয়ে IEDRC, স্বাস্থ্য অধিদপ্তর-এর পরিচালক WHO-এর গাইড লাইনের আলোকে বিস্তারিত তথ্য সভায় উপস্থাপন করেন।

সভাপতি সভায় পুনরায় আলোচনার জন্য আহ্বান জানিয়ে বলেন যে, চীন হতে আগত সকল যাত্রীকে Quarantine সেবায় আনতে হবে। আলোচনায় জানানো হয় যে, প্রতিদিন ৪টি ফ্লাইটে প্রায় ৭০০ জন যাত্রী বিমানবন্দর দিয়ে আগমন করেন। সকলকে সংগ নিরোধ (Quarantine) সেবা দেয়া সম্ভব নয়। এছাড়া চীন থেকে আগমনকারী সকল যাত্রীকে কোয়ারান্টাইনের নির্দেশনা নিয়ে সভায় বিস্তারিত আলোচনা হয়। সভায়, চীন নাগরিকদের On-Arrival Visa স্থগিত, Flight বাতিল, Flight সীমিতকরণ, বিভিন্ন প্রকারের বার্তা প্রেরণের মাধ্যমে ভ্রমণ নিরুৎসাহিত করণের মাধ্যমে ‘করোনাভাইরাস’ প্রতিরোধ তথা সংগ নিরোধ (Quarantine) ব্যবস্থাপনায় জটিল সমস্যা সমাধানের প্রস্তাব উপস্থাপন করেন।

আলোচনাকালে মাননীয় মন্ত্রী, প্রতিমন্ত্রী, সচিবগণ, DG Health-সহ উপস্থিত কর্মকর্তাগণ স্ব-স্ব মত প্রকাশ করেন। মাননীয় পররাষ্ট্র মন্ত্রী, কেবিনেট সচিব, মুখ্যসচিব, বেসামরিক বিমান ও পর্যটন সচিব এবং প্রধানমন্ত্রীর ব্যক্তিগত চিকিৎসক জনাব এটিএম আব্দুল্লাহর সাথে টেলিফোনে ‘করোনাভাইরাস’ সৃষ্ট সমস্যা সমাধানে নানাভাবে মতবিনিময়, পরিস্থিতির বর্ণনা ও বিশ্লেষণ করা হয়। এছাড়া অন্যান্য দেশ কি ব্যবস্থা গ্রহণ করছে তা সভায় আলোচিত হয়। বিস্তারিত আলোচনা শেষে নিম্নরূপ সিদ্ধান্ত গৃহীত হয়:-

১. পরিষ্কার-পরিচ্ছন্নতা ও প্রয়োজনীয় সহায়ক সেবা প্রদানের জন্য মহাপরিচালক স্বাস্থ্য অধিদপ্তর (DGHS), মহাপরিচালক সামরিক চিকিৎসা অধিদপ্তর (DGMS), মহাপরিচালক দুর্যোগ ব্যবস্থাপনা অধিদপ্তর, আশকোনা হজ অফিস কর্তৃপক্ষ যৌথভাবে ৩০ জন পরিচ্ছন্নকর্মী এবং ১০জন সহায়ককর্মী বিকল্পভাবে নিয়োজিত করবেন;
২. ডরমিটরি, বারান্দা ও ওয়াশরুমসমূহ পরিচ্ছন্ন কাজে মহাপরিচালক স্বাস্থ্য অধিদপ্তর (DGHS), মহাপরিচালক সামরিক চিকিৎসা অধিদপ্তর (DGMS)- ব্যবস্থা গ্রহণ করবেন;
৩. ডরমিটরি ভবনের বারান্দা গ্রিল Mosquito Proof Net দিয়ে ঢেকে দিতে হবে;
৪. যৌথভাবে মহাপরিচালক স্বাস্থ্য অধিদপ্তর (DGHS), মহাপরিচালক চিকিৎসা অধিদপ্তর (DGMS), মহাপরিচালক দুর্যোগ ব্যবস্থাপনা অধিদপ্তর, Control Room কার্যক্রম সমন্বয় করবেন;
৫. জরুরিভিত্তিতে (Quarantine)-এ অবস্থানরত ৩১ জন চীনা নাগরিককে বিস্তারিত পর্যবেক্ষণ করতে হবে এবং Medical Certificate এবং Self Quarantine থাকার অঙ্গীকার গ্রহণ করে দ্রুত ছেড়ে দেয়া যেতে পারে। তবে Suspect-কে অবশ্যই যেকোন Designated Hospital-এ পাঠাতে হবে;
৬. চীন থেকে আগত সকল Flight-এর যাত্রীগণের প্রয়োজনীয় Test সমূহ সম্পন্ন করে আগমনী হিসাবে অবমুক্ত করতে হবে। Suspect-যাত্রীদের Designated Hospital-এ প্রেরণ করতে হবে;
৭. চীনা নাগরিকদের On Arrival Visaসীমিতকরণের বিষয়ে অধিকতর উচ্চ পর্যায়ে সিদ্ধান্ত নেয়া যেতে পারে।
৯. ঢাকা-চীন-ঢাকা রুটে Flight সমূহ স্থগিতকরণ, সীমিতকরণের বিষয়েও অধিকতর উচ্চ পর্যায়ে সিদ্ধান্ত নেয়া যেতে পারে।
১০. হজক্যাম্প ডরমিটরিতে অবস্থানরতদের নিয়মিত কোয়ারান্টাইনের প্রয়োজনীয়তা ও উপযোগীতা সম্পর্কে কাউন্সিলিং করতে হবে;
১১. সকল ডরমিটরীতে টেলিভিশন সংযোগ দিতে হবে এবং বর্জ্য ব্যবস্থাপনা নিশ্চিত করতে হবে;
১২. অভিভাবকদের জন্য ব্রিফিং এর ব্যবস্থা করতে হবে এবং তারা খাবার সরবরাহ করতে চাইলে অনুমতি দেয়া যাবে;
১৩. সিদ্ধান্ত বাস্তবায়নে সংশ্লিষ্ট কর্তৃপক্ষ প্রয়োজনীয় ব্যবস্থা গ্রহণ করবেন;


আর কোন আলোচনা না থাকায় ধন্যবাদ জ্ঞাপনের মাধ্যমে সভার সমাপ্তি ঘোষণা করা হয়।


(জাহিদ মালেক এমপি)
মন্ত্রী


স্বাস্থ্য ও পরিবার কল্যাণ মন্ত্রণালয়

অনুলিপি সদয় জ্ঞাতার্থে

- ১। মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- ২। মুখ্য সচিব, প্রধানমন্ত্রীর কার্যালয়, পুরাতন বিমানবন্দর, ঢাকা।
- ৩। সিনিয়র সচিব, জননিরাপত্তা বিভাগ, স্বরাষ্ট্র মন্ত্রণালয়, বাংলাদেশ সচিবালয়, ঢাকা।
- ৪। সিনিয়র সচিব, দুর্যোগ ব্যবস্থাপনা ও ত্রাণ মন্ত্রণালয়, বাংলাদেশ সচিবালয়, ঢাকা।
- ৫। সিনিয়র সচিব, স্থানীয় সরকার বিভাগ, বাংলাদেশ সচিবালয়, ঢাকা।
- ৬। সচিব, পররাষ্ট্র মন্ত্রণালয়, সেগুনবাগিচা, ঢাকা।
- ৭। সচিব, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা।
- ৮। সচিব, স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা।
- ৯। সচিব, ধর্ম বিষয়ক মন্ত্রণালয়, বাংলাদেশ সচিবালয়, ঢাকা।
- ১০। সচিব, প্রতিরক্ষা মন্ত্রণালয়, শেরেবাংলা নগর, ঢাকা।
- ১১। চেয়ারম্যান, সিভিল এভিয়েশন কর্তৃপক্ষ, কুর্মিটোলা, ঢাকা।
- ১২। ব্যবস্থাপনা পরিচালক, বিমান বাংলাদেশ এয়ারলাইন্স, কুর্মিটোলা, ঢাকা।
- ১৩। মাননীয় মন্ত্রীর একান্ত সচিব, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা।



- ১৪। মাননীয় মন্ত্রীর একান্ত সচিব, পররাষ্ট্র মন্ত্রণালয়, সেগুনবাগিচা, ঢাকা।
১৫। মাননীয় মন্ত্রীর একান্ত সচিব, দুর্যোগ ব্যবস্থাপনা ও ত্রাণ মন্ত্রণালয়, বাংলাদেশ সচিবালয়, ঢাকা।
১৬।মন্ত্রণালয়/বিভাগ/অধিদপ্তর/দপ্তর/সংস্থা।
১৭।সদস্য, সংগ নিরোধ (Quarantine) ব্যবস্থাপনা কমিটি।
১৮। সিস্টেম এনালিস্ট, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা (কমিটি গঠনের এ পত্রটি মন্ত্রণালয়ের ওয়েবসাইটে আপলোড করার অনুরোধসহ)।



০২.০২.২০২০
(মো: সিরাজুল ইসলাম)

অতিরিক্ত সচিব (হাসপাতাল)

স্বাস্থ্য সেবা বিভাগ

ফোন: ৯৫৭৭৯৮১